

廣東考古輯要卷二十八

兵制

秦

始皇三十三年發諸嘗逋亡人贅墻賈人略取陸梁地為桂林象郡南海以適遣戍史記秦本紀

三國吳

步騭為交州刺史延康元年權遣呂岱代騭騭將交州義士萬

人出長沙

三國吳志步騭傳按通考吳多舟師而兵有解頰敢死兩部又有車下虎士丹陽青巾交州義士及

健兒武射之名

晉

太康元年既平吳詔悉去州郡兵郡置武吏百人小郡五十人交州牧陶璜上言交廣東西數千里不賓屬者六萬餘戶至

廣東考古輯要卷二十八

兵制

於服從官役纔五千餘家二州唇齒唯兵是鎮又宜州諸夷接據上流水陸俱通州兵未宜約損帝不聽文獻通考

唐

開元二十一年置嶺南五府經略使

理南海郡管兵萬五千綏

靜夷僚統經略軍

南海郡城內管兵五千四百人

清海軍

恩平郡城內管兵二千人

又有

經略守捉使三以防海寇

通典按通考唐初兵之戍邊者大日軍小日守捉

寶歷二年春三月癸未嶺南節度使崔植奏廣潮封雷潘辯等

七州戍軍除折衝別將外並請停從之

廣州有府二日綏南番禺有經略軍屯門鎮兵始興郡東北有

安遠鎮兵欽州欽江東南有西零戍

新唐書地理志

宋

開寶四年平廣南以其兵隸殿前司次等隸八作司闕則選廣

南諸州兵補之宋史兵志

大中祥符二年四月廣南東西路差殿直閻門祇候彭麟就桂州與本路轉運使司勾抽諸州雜犯配揀選移配淮南州軍牢城及本城有少壯堪披帶者卽部送赴闕當議近上軍分安排如不願量移及赴闕者亦聽

大中祥符五年詔廣南等七路諸州府軍監見管雜犯配隸軍人等各差使臣一人馳驛往逐處與轉運使副或提點臣僚知州通判鈐轄都監監押同共簡選就近體量人數分配側近州軍本城收管

天禧間廣南東西有槍手上丁壯丁

景祐三年詔廣南民家毋得置博刀犯者並鍛人並以私有禁兵律論先是嶺南爲盜者多持博刀杖罪輕不能禁轉運使

廣東考古輯要卷二十八 兵制

以爲言故著是令俱同上

慶歷二年九月壬子置廣東海軍兩指揮玉海

慶歷中招收廣南巡海水軍忠敢澄海雖日廂軍皆子旌鼓訓

練備戰守之役同上

慶歷六年春正月戊申徙廣南戍兵善地以避瘴毒宋史仁宗本紀

皇祐中宣毅寢廢不復補而荆湖廣南益募雄略宋史兵志

皇祐五年詔廣南捕蠻諸軍歲滿歸營人賜錢二千月增俸錢

二百度嶺陣亡及瘴癘物故者子孫或弟姪不以等樣收一人隸本營者支衣廩之半同上

嘉祐二年戊嶺南者增月俸自川廣戍還者別予裝錢川廣遞

鋪卒或給時服錢履又獻通考

治平二年詔廣南教閱忠敢澄海一營者卽本營遞遷兩營已

上者營三百人補五人二百人至三百人補三人二百人以下補二人百人以下補一人止於副指揮使凡遞遷滿三歲五階闕二三階闕一卽補宋史兵志

有馬雄略廣桂邕各一至和二年置熙寧三年詔廣桂邕有馬雄略闕勿補

熙寧三年詔諸路轉運司以州大小高下為序始自某州為第一指揮差次至某州凡為若干指揮每指揮毋過五百人廣南曰清化

熙寧二年十二月樞密使文彥博等上在京開封府界及京東等路禁軍數帝亦參治平中兵數而討論焉遂詔廣東西千二百人為額

熙寧初王安石變募兵而為保甲川廣並邊者可肄武事邕欽

廣東考古輯要 卷二十八 兵制 三

洞丁廣東槍手改為保甲者肆焉  
熙寧四年詔廣東福建江西選本路配軍壯勇者合取募兵萬人以備征戍

熙寧四年三月詔廣東路選雜犯配軍丁壯每五百人為一指揮屯廣州號新澄海如廣西之制

熙寧七年十月中書條例司乞五路弓箭手砦戶除防撫巡警及緩急事許差發外若修城諸役卽申經略安撫鈐轄司其有擅差發及科配和顧者並科違制之罪從之廣南槍手土丁峒丁依此法

熙寧九年詔京東增置武衛軍以三千人散戍東南嶺外惟廣韶南雄州常有戍兵千人

廣南東路槍手嘉祐六年廣惠海潮循五州以戶籍置三等以

上免身役四等以下免戶役歲以十月一日集縣閭教治平元年詔所在遣官按闕一月罷有闕卽招補不足選本鄉有武技者充熙寧元年詔廣州槍手十之三教弓弩手是歲會六郡槍手爲指揮四十一總一萬四千七百有奇三年知廣州王靖言東路槍手自至和初立爲土丁之額農隙肄業一月乃古者寓兵於農之策也然訓練獎勵之制未備請比三路義勇軍政教法條上約束四年知封州鄧中立請以本路未置槍手州縣如廣惠等五郡例置奏可六年廣東駐泊楊從先言本路槍手萬四千今爲保甲兩丁取一得丁二十五萬三丁取一得丁十三萬以少計之猶十倍於槍手願委路分都監二員分提舉教闕詔司農寺定法以聞其後戶四等以下有三丁者以一爲之每百人爲一都一都之下爲一指

廣東考古輯要

卷二十八

兵制

四

揮自十一月至二月月輪一番閱習凡三日一試擇其技優者先遣之七年詔廣南東西路舊槍手土丁戶依河北陝西義勇法三丁選一餘州無槍手土丁者勿置九年兵部言廣惠循湖南恩五郡槍手請籍主戶第以上壯丁毋過舊額一萬四千餘以爲保甲奏可元豐二年詔廣惠潮封康端南恩七州皆並邊外接蠻徼宜依西路保甲教習武藝

元豐四年詔團練東南路諸軍共十三將廣南東路爲第十一邕欽溪峒壯丁治平二年籍捕校長給以旗號峒以三十人爲一甲置節級五甲置都頭十甲置指揮使五十甲置都指揮使各置器械遇有寇警召集之熙寧十年樞密院請委經略司提舉同巡檢總蒞訓練之事歲終上藝第爲三第軍功武藝出眾爲上蠲其徭役人材矯捷爲中蠲其科配餘爲下盜

發則酋長相報率族眾以捍盜十二月詔邕欽丁壯自備戎械貧者假以官錢金鼓旗幟官給間歲大閱畢則歛藏之元豐二年廣西經略使言團結邕欽洞丁爲指揮一百七十五籍武藝上等一萬三千六百七人詔下諸臣獻議增置都巡檢使兩員分提舉又增首領丁壯歲閱之以武藝絕倫者聞量材補授詔增都巡檢使二員餘下熊本擇其可者施行之五年詔廣南保甲如戎濫故事自置裏頭無刃槍竹標排木弓刀蒿矢等習武技遇捕盜則官給器械

元祐元年十月樞密院言東南一十三將廣南東西兩路駐劄三將祇充本路守禦差使虔州第六將準備廣南東路緩急勾抽策應並不差戍他路十二月廣西經略安撫使都鈐轄司言欽廉州馬步軍輪差赴邕州極邊水土惡弱並乞依舊

廣東考古輯要

卷二十八

兵制

五

州條例一年一替

崇寧四年詔廣南瘴癘之鄉東西雖殊氣候無異西路戍兵二一年一代而東路徯限三年代不如期其東路亦令二年一替前期半年差人如違以違制論

宣和七年三月詔廣南東西路地遠山險盜賊間有竊發內郡戍兵往彼屯守多緣瘴癘疾病不任捕盜又不諳知山川道里林藪曲折故盜不能禁可令每巡檢下招置土人健勇輕捷者參戍兵之半

俱同上

建炎元年六月己亥同知密院汪伯彥請兩河京東西增置射士縣五百人置武尉掌之縣合領其事凡四縣置二將十二月乙酉增二廣

海

建炎三年六月乙巳詔江西開廣荆湖諸路團教峒丁槍杖丁

宋史高  
宗本紀

紹興元年廣東帥臣言本路將兵元五千一百見千二百十九

今擬將官駐劄諸軍泊本路州軍以十分為率各招其半同上

紹興五年四月戊午詔廣東帥臣措置團結瀕海居民為社海

隆興四年樞密院言潮州守臣傅自修欲於本軍禁軍闕額人

數內撥三指揮二百人專防海道以諳識水勢人充文獻通考

潮州水軍乾道四年置二百人廣東水軍乾道五年增置二千人宋史兵志

乾道五年十一月庚申增置廣東水軍宋史本紀

紹熙二年三月丁卯增廣州摧鋒軍三百人宋史本紀

咸淳末廣東籍蛋丁同上

建隆以來之制 水軍廣英封連康南雄春廉澄海韶循潮連梅南雄英

廉崖儋內廣廉高英新儋係教閣巡海水軍廣寧海瓊清化桂容化高本城

廣東考古輯要卷二十八 兵制

馬軍廣東兩道巡海水軍教閱澄海原靜江廣南路廣韶循

封端新康春惠化高雷欽廉瓊造船場廣駕綱水軍廣城廣端惠循英春

戰棹欽廉運錫循增步宋史兵志一係內循封梅康南雄韶七州本城

增一梅州清化增雷州亦見兵志

建炎後禁廂兵 澄海廣循連南雄封英德南

建炎後鄉兵 保丁二廣保丁每月一名士丁父子兄弟皆在其數乾道中以梅留樞民罷之宋史兵志

建炎後砦兵 欽州二砦西縣管界同上

曹克明奏以廣南兩路土軍並為忠敢東都事畧曹克明傳

朝廷禦邊重西北而輕東南王拱辰請倣唐制益以東路之潮

西路之邕容各總節制與廣桂為五管東都事畧王拱辰傳

元

至元十七年七月廣州鎮戍士卒初以丞相伯彥等麾下合必

赤軍二千五百人從元帥張宏範征廣王因留戍焉歲久皆貧困多死亡者至是命更代之元史兵志

至元二十年二月戊子定兩軍戍軍二三年一更廩其家屬軍官給俸以贍之世祖本紀

至元二十四年十月江西行院月的迷失言廣東窮邊險遠江西福建諸寇出沒之窟乞於江南諸省分軍一萬益臣詔江西忽都鐵木兒以軍五千付之元世祖本紀

二十六年五月丙申詔季陽益都淄萊三萬戶軍久戍廣東疫死者眾其合二年一更同上

元貞二年九月詔以兩廣海外四州城池戍兵歲一更代往來勞苦給俸錢選良醫往治其疾病者命三二年一更代之元史

兵志

廣東考古輯要卷二十八

兵制

七

至元三十年召募民戶並發新附士卒於海南海北等處置立屯田成宗元貞元年以其地多瘴癘縱屯田軍二千人還各翼留二千人與召募之民屯種大德三年罷屯田萬戶府屯軍悉令還役止令民戶八千四百二十八戶屯田瓊州路五千一十一戶雷州路一千五百六十六戶高州路九百四十八戶化州路八百四十三戶廉州路六十戶同上

至順元年七月辛酉軍戍廣海者一歲更役往來勞苦詔仍至元舊制二歲一更文宗本紀

明

洪武八年改在外都衛為都指揮使司凡十三廣東明史兵志祖既定天下度要害地係一郡者設所連郡者設衛大率五千六百人為衛千一百二十人為千戶所百十有二人為百戶所所設總旗二小旗十大小聯比以成軍衛所之外郡縣有民壯邊郡有土兵粵東雜蠻習長牌斫刀而新會東莞之產強半

洪武十五年三月命南雄侯趙庸籍廣州蠻戶萬人爲水軍時  
蠻人附海島無定居或寇盜故籍而用之

明典

成化十三年五月兩廣清軍御史邱山奏廣東如高雷廉瓊肇  
五府地僻民稀而廣西荒落殘破尤甚有司如例清軍解遠  
衛捕伍率多逃入賊中况今兩廣寇賊出沒缺軍調用乞將  
兩廣清出軍丁發附近衛所差操仍行原衛停勾爲便兵部  
覆奏從之

廣東巡檢何儒常招降佛郎機國番人因得其蜈蚣船銃等法  
以功陞上元主簿中國之有佛郎機諸火器自儒始

俱同上

案嘉靖八年始從右都御史汪鏊言造佛郎機礮謂之大將  
軍發諸邊鎮佛郎機者國名也正德末其國船至廣東白沙  
巡檢何儒得其制以銅爲之長五六尺大者重千餘斤小者

廣東考古輯要

卷二十八

兵制

八

百五十斤巨腹長頸腹有修孔以子銃五枚貯藥置腹中發  
及百餘丈最利水戰駕以蜈蚣船所擊輒糜碎二十五年總  
督軍務翁萬達奏所造火器兵部試之言三出連珠百出先  
鋒鐵棒雷飛俱便用母子火獸布地雷礮止可夜劫營御史  
張鐸亦進十眼銅礮大彈發及七百步小彈百步四眼鐵槍  
彈四百步詔工部造萬曆中通判華光大奏其父所製神異  
火器命下兵部其後大西洋船至復得巨礮曰紅夷長二丈  
餘重者至三千斤能洞裂石城震數十里天啟中錫以大將  
軍號遣官祀之崇禎時大學士徐光啟請令西洋人製造發  
各鎮

虎頭門旣城石旗麓聚兵一千八百八十八人領於副總兵官

而偏師亦往往守港口

滿記

明海瑞區處兵後地方以絕後患疏

竊見瓊州一府顛顛獨居海中其地綿亘二千餘里黎岐中盤州縣濱海旋於外譬之人黎岐心腹州縣四肢黎岐爲寇是心腹之疾也心腹之疾不除將必浸淫四潰而爲四肢之患州縣無久安之理古先王之治夷狄寇亂征討去不窮追蓋施之要荒之外與吾中國有所限隔之地若瓊則內之黎岐與外州縣百姓雜大相間魚鹽米貨相通其間雖多峻嶺叢林彼之出入往來自坦夷道路自國初以至今日除戍守軍民兵截殺並整飭兵備道督兵雕勦不計外兩廣巡撫都御史上請宏治十四年征儋州昌化縣黎嘉靖二十年征陵水縣崖州黎嘉靖二十九年征感恩縣崖州黎凡三大舉矣每舉調兩廣官兵十餘萬費銀數十萬兩前後屯兵防守

廣東考古輯要

卷二十八

兵制

九

騷害居民或三年或四年而後止然竟不能使黎寇善服迄今劫殺村人無歲月無有臣生長於瓊旣聞黎患痛瓊民歲月罹害虛費陛下兵糧迄無一臣爲地方長久計以紓陛下南顧之憂者請爲陛下言之夫瓊地瓊山縣處其北崖州處其南萬州處其東昌化縣處其西自瓊山縣轉西歷澄邁縣臨高縣儋州昌化縣感恩縣至崖州計程一千一百里自崖州轉東歷陵水縣萬州樂會縣會同縣文昌縣復之瓊山縣計程九百四十里是瓊州府自南徂北自東徂西以圖三徑一計之大約七百里程也臣嘗博訪附黎居慣行黎村人民近日大征踏路官兵皆稱自崖州羅活洞抵瓊山縣大坡頭營三日可至是黎岐盤居地不過方四百里而已區區方四百里地自國初以至今日殘害國家赤子若此之毒而無已

調用國家官兵若此之眾費用國家錢糧若此之多兩廣有  
巡撫都御史總其權瓊州有兵備副使專其事嘉靖十九年  
以來又有守備參將之設迄不能一施剿撫安輯吾民何故  
武臣憚難畏寇文臣養望待遷圖目前苟安不爲地方永久  
謀慮黎小寇害則隱匿不申講大寇害調兵又待以奏功姑  
以應事塞責瓊郡誌書歷載識者開道立邑之議又載宏治  
十四年大征議及此而未行爲深憾彼非不明知之也而莫  
或行焉間有志立功業者亦慮掣肘難行邀功起釁之說禍  
隨可懼欲舉而止無一人竭材力盡忠實心爲瓊遠計爲陛  
下擔當事者黎寇稔知之習竊卑笑之是以大兵一退卽旋  
轉耕其田處其地數年生長積聚仍前爲州縣寇害不少衰  
止若使兵威震疊不日此亦可以奏功蒙顯賞擢從而計長

久開通十字道路設縣所城池中崎參將府兵備道則立犄  
角之勢成蠶食之勢矣日磨月化今日寧復有黎乎夫得黎  
無益於地方處黎或劇於計畫謂不足州縣置之可也黎人  
居處皆寬曠峒場耕作皆膏腴田地非得地不可耕而食文  
昌縣斬脚峒等黎瓊山縣南岐峒等黎今卽輸賦聽役與吾  
治地百姓無異脩州七方峒今亦習書句能正語以此例之  
非得人不可畜而使黎因方四百里地也凡我兵征討無一  
次不擣巢穴無一次不成功時異事殊則又不可以危叢  
險阻如賈捐之霧露氣濕多毒草蟲蛇水土之害久未見虜  
戰士自死請罷疏所稱視之故臣嘗以爲宏治十四年開道  
立縣可無嘉靖二十年大征嘉靖二十年開道立縣可無二  
十九年大征後開道立縣可無歲歲鷓鴣年年守戍諉之曰

地土險惡勞師無功藉口聖王不治夷狄之說者皆庸人苟祿偷安不肯身爲地方當事託詞也往不可諫矣今距大征僅三歲兵威之震懾於黎人尚存遺黎之生聚猶寡開道立縣今日可及爲也不然數年後必一大變一大變必用兵十餘萬必費銀數十萬兩必殘破地方必毒痛赤子功虧一簣坐失事機陛下將奚取哉臣雖未嘗手操矢及地方變故區處事宜則習聞之矣倘得專任其事馳驅兵革之間俾黎土盡爲治黎岐動變盡爲良民臣亦能之如不效請甘服上刑以謝欺罔虛費兵糧之罪第臣平昔濡染翰墨之人一旦言及軍旅似可駭聽夫瓊固有兵備副使之設矣於此不爲是謂虛位伏乞陛下明敕羣臣中知識事機力可大任不貪富貴志在立功者以之充兵備副使以專治黎之任瓊去京師

廣東考古輯要

卷二十八

兵制

七

萬里當事請裁或致遲誤設縣立所限其大概乘機審勢聽其便宜凡一切招民置軍設里建學遷創縣所屯田巡司驛途諸事宜許撫按臣等從中節制年年借用許其調廣西土兵廣東漢達官軍打手約四千人值變故許其調用約萬人量撥一次大征錢糧之半以充其費陛下三年考其成立之功七年稽其變化之效彼得專用之柄寬其行事而又功少不完不遷其官事少不效必重其罪欲不盡心力而爲之不可得也永絕禍根遺安萬代省國家無己之費紓陛下掛懷之憂可計日見矣經略瓊州計無有過於此者諸臣無有一爲陛下言之一爲陛下任之臣每痛之伏望皇上採納臣言敕兵部咨行兩廣撫鎮衙門會同巡按守巡等官從長計處如果臣言不謬速賜舉行則地方幸甚生靈幸甚

海